

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Volvntarivm Imperii Consortivm Inter Fridericvm Avstriacvm Et Lvdoovicvm Bavarvm Avgg.

**Köhler, Johann David
Baumann, Johann Friedrich**

Altdorfii, 1733

XX.

[urn:nbn:de:bsz:31-130795](https://nbn-resolving.org/urn:nbn:de:bsz:31-130795)

missis quibusdam Conditionibus Jurejurando, ac de hinc literis corroboratis, ut quidam ferunt. Expressum in his fuit, ut uterque quoad viveret, Regio uteretur Titulo: Fridericus autem Italiam non accederet, sed hanc liberam Ludovico permetteret. Neque Jus aliquod peteret à Pontifice pro hac assequenda. Quod inviolabiliter observavit, etiamsi Johannes XXII. Clemensque VI. Pontifices crebro illum in Italiam pro Imperiali assequenda Corona evocarent. Sed istæ variae Narrationes à CVSPINIANO allatæ sunt ex variis Chronicis à se citatis; nam ipse deinde provocat pag. 64. ad Tabulas istas Unionis Augustalis, sibi à Putschio communicatas, atque à se Annalibus Austriæ insertas. Varii isti Annales antiquissimi varia, pro incerto rumore, retulerunt, de Transactionis Capitibus inter Fridericum et Ludovicum Augustos, quæ CVSPINIANVS saltem recensuit, minime vero suo calculo firmavit.

X X.

Urget porro HERWARTVS l.c. §. 35. et post eum idem opponunt Consultiff. STRUVIUS in Synt. Hist. Germ. Diff. XXVI. §. 12. p. 485. et PFEFFINGER in Vit. illustr. Tom. I. p. 69. parum hæc inter se convenire, quod primo dicatur, in Pactionibus cautum fuisse, ut Fridericus Italiam non accede-

L 3

ret,

²⁾ a contradi-
ctione in pactis
de expeditione
Italica a Fride-
rico Imp.
facienda.

ret, sed hanc liberam Ludovico permetteret; in Pactis vero ipsis, à CVSPINIANO productis, legantur hæc verba: *Si proficiscatur unus ex nobis in Italiam huic debet alter Mandatum suum eo tradere, et iste huic hîc in Germania relinquere.* Item quod in aliis Literis à CVSPINIANO allatis dicatur: *Ludovicum Regem Friderico Regi cessisse Imperium Romanum.* Ad hæc vero regerimus: *primo*, Pacta incerta cum certis non esse permiscenda; *deinde* Literas Imperatoris Ludovici Ulmenfes, quæ leguntur *in Dissertationis hujus §. X. p. 64.* non continere Cessionem Romani Imperii Friderico Augusto factam a Ludovico Imperatore, sed potius esse mandatum, conforme Unionis Augustalis Tabulis, secundum *Articulum 14. p. 25. hujus Dissertationis*, à Collega Imperii Collegæ datum, ut posset communi Potestate Imperii Negotia Transalpina tractare. Constitutum autem initio fuisse inter hos Consortes Imperii, ut Liberatus Fridericus pro Ludovico Liberante deberet ad partes Italiæ proficisci, cognoscimus ex Epistola Pontificia §. IX. *hujus Dissertationis pag. 60.* inserta. Postea vero mutatam hanc sententiam fuisse, atque Ludovicum Bavarum potius elegisse Expeditionem Italicam, VILLANVS docuit
in

in Testimonio in §. VIII. antecedente pag. 56. al-
 lato. Fridericum autem et Ludovicum, Au-
 gustos, inter se communicasse Consilia de
 Protectione Italica prudenter instituenda, te-
 stantur veteres Scriptores. PETRVS Abbas in
Chron. Aula Regia c. XIX. ad A. 1327. p. 59. inquit:
Hoc in Anno, Mense Martio Lodovicus, per sedem
Apostolicam reprobatus, à Vulgo vero Imperator et Rex
Romanorum nuncupatus, ad partes Italia proficiscitur,
ad quas per quendam Virum potentem, qui Canis de
Verona dicitur, præcipue invitatur. Paucorum Prin-
cipum Alemannia usus est Lodovicus Consilio in hoc
facto; Scivit tamen et consuluit hoc Negotium Fride-
ricus Dux Austriae, qui gaudet pari Regis Titulo et
Nomine, sperans ex hoc Alemannia Regnum et Regi-
men obtinere. HENRICVS REBDORF in Annal.
ad 1322. l. c. p. 612. hæc scribit: Anno Regni sui duo-
decimo cum Colloquium haberet cum Friderico prædi-
cto, jam dimisso, adhuc vivente in Isprugka, et in
eodem Colloquio non multum se amice ab invicem
separarent, idem Ludovicus ingressus est Alpes.
 Ne vero aliquem etiam offendere possit inusi-
 tatus Titulus, REGIS FRIDERICI à ROMA, in
 dicto Mandato Imperatoris Ludovici pag. 64.
 occurrens, monemus, hunc Stylum Curiaë
 eo tempore fuisse; nam ita legimus in Diplo-
 mate Alberti II. Ducis Austriae d. d. Insprugg.

am zinstag nach sand thomas tag/ A. 1326. in R. P. STEYERERI *Comment. pro Hist. Alberti II. D. Austr. in Addit. ad cap. I. p. 24.* Were auch / des Gott nit welle / das wir nit weren / oder dabey nit gesin möchten / so soll unser lieber Herre und Bruder Kunig Friderich von Rom / oder anderr unserr Bruder einer denselben gewalt haben etc.

XXI.

3) à défaut Con-
sensus Ordinum
et Electorum
Imperii.

Instat porro PFEFFINGERVS *l. c. p. 69. et ulterius hoc modo etiam contradicit: Si verae sint haec Tabulae, mirandum, tanti momenti Negotium sine Consensu Ordinum Imperii fuisse susceptum, cum eo ipso omni robore destituantur. At Ordines laudatos de Societatis hujus Validitate non consensisse, altum de iis Silentium, quodque nec Archiepiscopus, nec Episcopis, nec Dux, nec Princeps, chartam subscripserit, argumento est.* Eadem jam olim objecit Pontifex JOHANNES XXII. in Literis ad Balduinum Archiepisc. Trevirens. apud RAYNALDVM *l. c. ad A. 1326. §. 26 Non sufficimus admirari, quod in cor alicujus prudentis, qui nostros Processus contra Bavarum habitos noverit, ascendere possit vel potuerit, quod Concordia, quae facta esse inter Australes et Bavarum dicitur, nobis grata sit vel accepta; praesertim cum illa Concordia solis tribus ex ipsis, ad plus quatuor nota, omnibus aliis, prout fertur, occulta remanet et incerta. Ex quo probabiliter convincitur reproba et indecentia, ac juri Sanctae Romanae Ecclesiae et illorum, ad quos Jus eligendi*